

۹ ربيع الاول ۱۳۲۲

پنجشنبه

۲۳ کانون ثانی ۱۳۲۹

عدد — ۸۲۰

امور اداره و تحریریه و اعلانات و سائرہ
ایچون مدیر مسئولہ مراجعت ایدالمیدر.

عرفای امتک مقالات متصوفانہ لرینہ
جریدہ صوفیہ تک صحیفہ لری آچقیدر .
درجہ ابدالیان اوراق اطادہ ابداز .

جریدہ صوفیہ

شیمدیلاک ہفتہ دہ بر نشر اولنور .

نسخہ سی ۴۰ پارہ در

ابونہ سی : بر سنہ لاک اعتباریلہ ممالک
عثمانیہ ایچون ۴۰ آلتی آیلنی ۲۵ فروش
وممالک اجنبیہ ایچون اون ایکی فرانقدر

محل اداره باب عالی جوارندہ ابوالسمود
جاده سندہ نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیہ در

مضمون حسب حاله امثال ۷

ایشیت نیازیکن سوزین
حقدن عیان بر نسنه یوق
بر نسنه اورنغز حق یوزین
کوز سزلره پنهان ایش

«الله نور السموات . . . الخ» و «اشرق الارض . . . الخ»
و «هو الاول والاخر . . . الخ» آیات قرآنیسی کبی بینات جلیله نیک
مقاد عالیسی وجهله ارباب بصیرته بدیهی و نمایاندرکه حقک تجلیات نورانیه
و ظهورات سببیه سندن بشقه برکونما تحلی و ظهورک حقیقتده وجودی
یوقدر، بتون تظاهرات حق ابله حقدن حقک ظهوریدر «المؤمن مرأة
المؤمن» منطق عالیسنک افاده بیوردنی مناجهکه [برنجی ذکر اولان
مؤمن شئونات اولیه ساحه لاهوتیه سنده کی صافیت و نورانیت ازلیه سنی
محافظه ایدرک اقرار ملکوتیسنک تبین اخیر ملکیت سنده اثبات و تأییدی
هیئتیه وظیفه عبودیتک افاضنی اظهار صورتده تشدید ایمان ایدن عبد
خالص اولوب ایکنجی دفعهده مذکور اولان مؤمن کلمه جلیله سی ایسه
ذات احدیت کبریا نیک اسماء حسنا ی الهی سندندر [مؤمن کاملک حقیقت
قلیبه سی مرأة حقدر دیمک اولور، اشته صافیت اصلیه سنی ادنامی معاصیدن
یاک طوفان ارباب ایمانک غیری عنای بصیرته مبتلا اولانلرک دنیا و عقابده
حق کورمه میه جکلیرنک افاده سنی اشعار ایتک قصیدله بالاده کی نشیده
تنظیم بیورلش اولور «من کان فی هذه اعمی فهو فی الآخرة اعمی» الخ
حق کورمامک ایکی صورته تظاهر ایدر، برسی اقرار ازلیدن بتون
بتون انکار ابدی به سقوط ایتک بلیه سیله دیده بصیرتی کور ایتکدرکه
البیاداً بالله درکه کفر محضدر آیت جلیله ده بیان بیوریلان کورلکده انجق
بصیرت کورلکی اولدیفنده شبه یوقدر.

حق کورمامک صورتلرندن ایکنجیسی ضعف ایمانک موجودیتله
را بر چرکاب معصیتله مرأت قلبی ژنکدار ایتسندن دیده بصیرته ضعفیت
کلیه طاری اوله رق حقک شدت ظهورندن قاماشش اولان بصیرت
ضعیفه سنک حق ادراک ایتامسیدر. حق اخیرک اقسام متنوعه و حجایات
متفاوته سی وارددرکه بوراده ایضاحی مناسب کورلیدی معافیله ارباب سنی
کیزلو شیلر دکادر.

حقدن عیان هیچ برشی یوقدر ذاتاً حقدن بشقه هیچ برشی یلدار
دکادر، چونکه حق حقدر، حقه لایق اولاده حقدر. حقدن ناحقک
ظهوری نمنددر جناب حقدن شئونات الهیه حق اوزره تبین ایتسندر.
او شؤنانکه اصول الاصول ممکناندر. تبین اصابت سنده بتون نقائصدن
مبرادر. اوراده کفر و عناد، فسق و فساد شایبه سی یوقدر اوراده
اظهار ایمان، اقرار رب منانندن بشقه هیچ بر حال وقوعوله مزاوراده
مبیته قارشو منفی به محل اوله من «الست برکم قالوا بلی» اورادن خبر
ویریور بیهوده میدر. حاشا.. بو عالم کون و فسادده کفر و فسقک
تعینی حضرت علم و تقدیر ازلی به موافق دوشمش اولمسیده عین حقیقتدر

استعمالی صورتیه — کفاه کباره، کرداب معصیت دوشلمک سبیت
وبره سیله جکته بناء دیندار و متدین و عامل لافل ایکی طیب مسلم خاذقک
[*] تعاب و حکم قطعیمی بولند قجه اناع محرمانک — ولو معالجات و
مداوات ایچون بولندون — استعالتندن قطعاً و کلیاً بجانب قلنسوی
لزم قطعیمی بتون اخوان دینک انظار دقت و انقباهارینه عرض ابله
بو بختی اتمام ایلورم.

مابعدی وار موزة عسکری مدیری احمد مختار

تصحیحات

جريدة صوفیه نیک (۸۰) نورولی نسخه سنده (صفحه ۳۳۴) ک ایکنجی
ستوننده ایکنجی سطرده (وما لکم) برنه (وما لکم) — اون التبی سطرده
(اهل) برنه (اهل) — اوتوزنجی سطرده (لاثم) برنه (لاثم)
یازلی وکذا (صفحه ۳۳۵) ک برنجی ستوننده اوتوزنجی سطرده (جزراً)
برنه (ضرراً) — اوتوز برنجی سطرده (اختهما) برنه (اختهما) غیری
و برنه (صفحه ۳۵۵) ک ایکنجی ستوننده التبی سطرده (استقران) برنه
(استقران) — بکرمنجی سطرده (فوق العاده) برنه (فوق العاده) اوله
تصحیح ایلورم.

[*] بوراده دیندار و متدین و عامل ایکی طیب مسلم خاذق قیدی قوجیه
مجبور قالدق و چونکه بیلدکدر مضامینده نتیجه خذاق اطباء خرسیتانیه دن بشقه
اطباء اسلامیه دن دخی نتیجه لرینی طایفه ک هارب اقل و انوار ایدر، بویوله
مصاب، خسته و زبون دوشملیه نهایت ترک جام جم دنیا ایلشدر و بویوله
طایفه یمنز کنج دوقورلر سندن بهضیلری ایسه حالاً انشایمیلندن بردرلو
کندولرینی آله مامقده بولندلردر.

ازجه اسکی امن احباب سندن جداً خاذق و فتون طیب و حکیمده بهره ورکال
برذات عالی قیمتدار و ارادی که نعلسه کندوسنی بلای عشره قایدروش و نهایت
اویچارده بویوله اوخرادینی بررض و خیم نائیه لیه ترک عالم هستی و عشرت
ایلمشدر. بوذات لطیف عالم آبد کال نشسته و شادی ایچنده دقتور «دایتو» نیک
قول و مساعدیه سی اوزره دهرک متوالیاً ماضی باشنه کیدر کلور، لباب
طولدردینی قدخی همان برری آردنجه دینه سیله جک صورتده متصل یو اولار
هم کور و همده حضاری کولدر ایدی.

برله مصاحبتده کندوسنه «دوقور رایتو» دن صورولدی. شوبه
جواب وردی: «رایتو» اطام شاربین هرقدن برطیب بی پروا ایتک قولجه
برشارب هرک بزم عیش و عشرتده حالت مستقیدن آغزی — ایچنده برمتالیک
دوقیه جک درجهده — قنایب لافردیسی آکلاشله یجه به قدر شرب آب نایه دوام
ایده بیلور ا دوام شربه، تام مانیزلکه مقیاس اساس اشته بودر

دیش، جهتی کولدرمش ایدی (رحمت الله علیه). طیبیدرکه حالات
فوق العاده اضطرابده سد رمق، ازاله تله کدرجه سنده اقل قلیل استعالتنه
جواز شرعی بولان محرمانک درجه مذکورده تعیین کیفیت و کیتی طیب خاذق
مومی الیه و امثالی کیم عیاش اطباء حاذقه مسامحه نیک کاری دکادر و چونکه ذاتاً
کندولری سؤ اعتیاد سائنه سیله محرمات ایچنده، خمر و مسکرات درلاندنه — اح
و بویاندلر، بالطبع حقایق و احکام و حدود شرعیه کندولرندن کریزاندر.
بویولدی حدود شرعیه سی آکلامه، محض سعادت و فلاح و نجات بولان و حدود
شریت فرای محدیدی تجاوز ایتک ایستین اهل ایمانک، غربت پرور و متدین
و مؤمنانک ایچانده جداً متدین و عامل و محرماندن مجتنب اطباء تقوا و هدایتقرینه
سراجسته دارین دم فلاح و نجات و صحت و سلامت. بولری لزومی مستثنی
کلمه قصیل و اطیابدر.

نه اول ثانی نده ثانی اولی منافی دکلدره . ما اسابک من حسنة فن الله
... الخ . دقت اولونسون حق اولان حسنةك حقدين
باطل اولان سینهك نفسدن تعینی بیان بیوریلور حالبوکه بو تعین
بشنجی درجده وفوعولان تعین کونی درکه لوح محفوظه اشارتدر
و بمحواله مابشاً وثبت ، مرتبه سیدر و ایت کریمه صکی نفس الملهک
حالنده در آیت جليلة معروضهك بشنجی مرتبه ده کی تمینه دلالتی وارد
دیدک دیک اولیورکه بوند اول درت مرتبهك وجودی اقتضای بیور
تعین اولشان جامع اولدیندن تفصیله نظر دکلدر . نجه اوراد تعین تمیری
بیه اصطلاح قومدن عبارتدر . و عند ام الکتاب ، مرتبه سیدر بوراده
محو و اثبات یوقدر . قل کل من عند الله ، بورایه اشارتدر اشته لازاک
ازله توافقی بو نکتهدر . حضرت امام علی کرم الله وجهه افندمک ..
هرکس عاقبتدن قورقار بن ازلدن خوف ایدرم .. مألده بیوردقاری
بوسره میندر . بیان اولان شو ایکی مرتبه اراسنده محققین سوفیه
حضرانی مراتب و تنزلات ثلاثه اثبات ایتدیلر بو ایکی ایله بشه بالغ
اولیورده حضرات خسه دیورلر . رنجی مرتبه ده تعین ایدن حقیقت
اجالیه ایکنجی مرتبه ده حقیقت محمدیه دن معانی تفصیله هیئت نورانیه سنده
تعین ایدیور اوچنچی مرتبه ده ارواح مجردة بسیطه سور روحانیه سنده
تعین کوستریور بورایه قدر صافیت اولیه نی محافظده بردوامدر

یالکتر اوچنچی مرتبهك تمینده بر تفاوت معنویه وار اوده مبدأ
ممکنات اولان حقیقت محمدیه دن ارواح مجردةك علی مراتبهم ظهوریدر
اشته نه وارسه بورادن ظهوراته باشلا یور تنزل رابع که تعین مثالیدر
بشنجی مرتبهك صور تمینیه سی بوراده مقفوش بولنیور هراشیا سور
متنوعه ده برزخیت خیالیه ده تعین ایدیور کویاکه مرتبه ارواحده کی
معانی تفصیله بوراده بر الفاظ نورانی کسوه سنه بورونیور و بشنجی
مرتبه جسمانیت مخصوصه سیله ساحه کتاب کاشانه خطوط مجیمه
هیننده ظهور ایدیور . یوقدر تفصیلدن مقصد ایسه بتون مظاهر و صریای
ممکنهك هان بر تجلیکاه حقندن بشقه برشی اولدیننی بیان عبارتدر .
اولیه ایسه ارباب بصیرته حقندن بشقه هیچ برشی عیان دکلدر حقه
مقابلی باطلدر . باطل ایسه ظل زائلدر بر آن موقت ایچون موجودیت
غیله کوستر سده یسه زاهددر حق هتی مطلقدر . باطل هیچی محققدر .
شو حالده حقندن بشقه و اراق اوله من . نتیجه اعتباریله حق وارد
باطل یوقدر باطل دیلان هرشی عارضیدر اعراضك بذاته قائم اولدیننی
ایسه محققدر . بناءً عایه باطلک یسه بر حقه استنادی نظامر ایدیور مثلاً:
کفرک باطل محض اولدیننده شبه یوقدر فقط اساس اعتباریله حق اولان
ایمانک عدم اظهار و ستر ایدلسندن متعارضدر اولیه ایسه کفره و آنک
تفرعانه نظر ایدن بر عارفک یدش نظرندۀ دائماً حق اولان ایمان
متجلیدر کفری کورر ایمانی خاطرلار فسق کورر صلاحی حاضرلار

هامش

یتیم یدنجی نسخه ده حقه ده کوسترین توجهات عظیمیه تشکر
ایدرم بن بنی یلورم لایق اولدیم مرتبه ده مظهر النفات ایدلیکه

متأثرم ذات عالی عارفانہ لری کی فضلالی کرامک حسن توجہ و اثر
ہمناری انشالہ ہو کی پک چوق آثارک وجودہ کنور۔ فی استلزام
ایدر نمیندہ ہم ۔

قصہ عارف در حقیقت بندگیست بندہ راہیستی ہمیشہ مسابکیست
دور بندارم حقیقت ازمنست طور مادر طرز تحریر زندگیست
کنج حق آمد فوآد عارفان می بخواندم کہ با بجا فوزی کیست

مصطفی فوزی

الکلیات

غزل

کچمبش زمان اولور کہ خیالی کدر ویر
زیرا بہار ہر عزیزدن خبر ویر

صیف وشتاسی فصل حریفی کلوب کچر
اما کہ انقلاب زماندن اثر ویر

ہر برکونی بر کیجہ تعقیب و ولی ایدر
ہر ساعتی دقیقہ سی رنگ دیگر ویر

انساندر ہر وقعات نیک و بد
ہر شخص بیک صفا و کدردن خبر ویر

میل ایلز سفاہتہ اصلا رشید اولان
اوبماز ہوا ی نفسہ کہ پک چوق ضرر ویر

حجاز والی سابق

احمد رشید

» وحدت «

سن سنی ترک ابلہ بنجہ بیل کہ سن سننر اوسک
بنلککدر کچدہ ادراک ایت نمسک باقی سن سنی

سن سنی بیل، سن سنی بول، سن سکا کل سن سکا
سر وحدتدر ایدہن عالمہ مسنجن سن سنی

قوی صفائی، کوزلہ ذاتی، اصلگی فہم ایت نمسک
وجہ باقی ایلش تکریم ابلہ احسن سن سنی

قطرہ کی بحر ایت، اولاشدر جزوی کایتہ
ہب وجودکدر قویان غافل ہو کون سندن سنی
سندن بنده ہب ہیولای سواہز اورنہدہ
ابلہ بن کیعدر جداسندن بنی، سندن سنی.....

کچ اینندن کہ انڈینیت اولسون مضمحل
برقوری دعوا چیقارمش گفتگو بہ (بن سن) ی

سن صانیرسک عالم انجیرہ بر وجودک وار سنک
عالم ہیچی بہ ایندبرمش بوواہی ظن سنی

محض جان اول، وصات جانی ایتسرسک اکر،
ایتمسون بیکانہ اصلکدن بو سفلی تن سنی

سر وحدتدر شئونات صوردہ مندیج
طوتمسون قید نامقندن فقط دامن سنی

ہر شجردن نالہ اتی اما اللہ در کان
ایلہ بنجہ شعلہ توحید آتشنزن سنی

بانک لا موجود الاہویہ اواللہ ابلہ
ابلہ اقرار ہویت (سری) سیر ایت سن سنی

سعد الدین سری

شیخ عثمان شمس افندی حضرت تارینک درج صحیفہ حقیقت قلنان
غزل مشہور لرینہ بسیم بک افندی حضرت تارینک نظیرہ لریدر ۔

برق اور رفیض صفادار کوکلدن کوکلہ بول آچار پرتو دلدار کوکلہ
مندج نسخہ انساندہ مال رحمان منطف لمعہ دیدار
منطوی عالم اکبردر اوبکتنا نسخہ آچیلیر نکتہ اسرار
قید اولور انفسہ اسرار کمال مطابق منتظر عالم انوار
سیر ایدر ساحہ افلاکی دل حق آکاہ دور ایدر شمس ضیابار
فیض شمس ایلدی نالندہ بسیمی انطاق
منتقل نشنہ اقرار کوکلدن کوکلہ

حسین وصاف

درنعت جناب علی المرتضی

رضی اللہ عنہ

مکمل عین حکم دیدہ اہوی علی
مجر لوح وقلم غمزہ پرکوی علی